

Qua precor est, hic quæ sublimi in sede locata
 Sublimis sedet, egregio exornata decore?
 Libella in dextra fabrilis cernitur: aureus
 Circinus in læua, & non fallax norma videtur.
 Pan. Hæc illa est celebris, longè pulcerrima Nympha
 Illa, illa f. dææ magnæ gratissima Matri:
 Illius eximijs decorat quæ tempora fertis
 Turrita. hæc illa est, docuit quæ ponere primum
 Fundamenta operum magnorum, calcis & usum,
 Coctiliumquæ dedit laterum: quibus artibus altis
 Montibus aut marmor, puteis aut saxa trahantur,
 Ordinibusquæ graues docuit disponere certis
 Structuras rerum, fulgentes ære columnas:
 Tectaque, sublimi turres educere cælo
 Aërias, tignis coniungere tigna, vel ipsa
 Robora, fraxineasque trabes aptare bipenni.
 Præterea, quas aut facies spectare domorum
 Debeat ad cæli parteis: qua parte locanda
 Atria, vestibulum, secreta cubilia, xysti,
 Balnea, triclinia, & magnorum altaria Diuum,
 Et quid non? demum, latis quibus oppida terris
 Ponenda, aut vrbes quibus in regionibus aptis,
 Morbida ne malè spirantis contagia ledant
 Aëris, continuo ne sint obnoxia ventis
 Corpora pestiferis, simulacra, stupendis
 Artibus, Heroum, spirantia signa, colossos
 Fingere marmoreos, ad sidera ducere moles.
 Ardua Pyramidum, varijsq; palatia Regum
 Picturis, varijs ornare coloribus ades:
 Ducere aquas longo per marmora candida ductu
 Fontibus è primis, metiri iugera gnoma,
 Cuncta manu docta regere, ut Ratione magistra,
 Norma vel à recto, vel ne quid aberraret amussis.
 Hinc, magnæ meritò donis quod talibus ornet
 Undique diuinis gremium Telluris apertum,
 Orbis Terrarum decus immortale, perenne,
 Cunctarum emerita est ea dicier ornamentum. (edam
 Thau. Admiranda canis: proprium at quod nomen? Pan. ut
 Non opus: hæc tantum, quæ dixi, sedulus ipse
 Inspice, nomen habes. Thau. capio, quis hic alter aënis
 Qui squamis horret, clypeoq; hastaq; tremendus?
 Pan. Cuius nota benè hæc Diua est Tritonia Pallas,
 Bellipotens: quondam primas hæc condidit arceis,
 Surgentes moles, & propugnacula bello
 Tuta. Thau. quis ille alter? Pan. primo est qui primus in
 Ob scelus infandum fraterna cadis iniqua, (orbe
 Sanguinis & fusi, fugiens ultricia magni
 Arma Fouis, tristèsq; minas, dextræq; potentis